

## Района негдгч маргъан

Шидрхи Приозери района сургъульчнрин негдгч маргъан болв. Маргъанд орлцсн сургъульчнр цугъар ъмнӑсн ик белдвртӑ ирцхӑдж.

Турун болдж гийгн атлетическ маргъан болв. Энунд Приозери дундин школин 10-ч классин сургъульч Амтеев В. 1500 метрт 4 м. 55 сек. гуйдж ирад, негдгч орм эзлв.

Эн школин цуг команд 4x100 метрт гуйлгьнд 57,2 секундт гуйдж ирад, турун орм эзлв.

Сухотинск дундин школин 10-ч классин сургъульч Мельников В. 5 м. 5 см. утднь гарӑдӑд негдгч орм эзлв. Гранат шивлгьнӑ маргъанд турун орм эн школин 10 ч классин сургъульч Землянскый эзлв. Эн 63 м. 80 см. шивб.

Долан джилӑ школмудин дундас Ергенинск долан джилӑ школин сургъульч Кекеев 45 м. 50 см. гранат шивӑд, турун орм эзлв. Гранат шивлгьӑр куукдӑс эн школин сургъульч Эрендженова турун орм эзлв.

Района школмудас Приозери дундин школ турун орм эзлӑд, физкультурин болн спортин района комитетин грамотар ачлгдв. Сухотинск дундин школ хойрдгч орм эзлв. Гурвдгч орминь Ергенинск долан джилӑ школ эзлв.

Района негдгч маргъанд негдгч орм эзлсн сургъульчнр физкультурин болн спортин района комитетин грамотар ачлгдцхав.

П. НАРМАЕВ.